

陈忠裕公全集

函十二册

陳忠裕全集卷十三

青浦王鴻逵用儀

婁縣莊師洛純川

青浦王

昶德甫輯

編訂

青浦趙汝霖惠蒼

青浦何其偉韋人

五言律詩

幾社稿

春望

春深天意靜  
草滿碧無聲  
野濶烟難並  
山濃雨易成  
火應殘海國  
花及綴江城  
掩抑傷心細  
吳農且放耕

對鶯

啼魂時隱豔軟語待春催麗曲温香裏美人烟霧臺雨  
深花幕病日弄柳衙詼造次憐看汝遊絲可自媒

江南贈別

自古相思地離筵意渺然雨深南國暮雲滿北征年寇  
盜悲橫埜蛟龍喜浴川時艱更行役大抵急幽燕

病鸚鵡

久爲簾幕客心性學吳姬同悴風前伴相思隴外知多  
言老更甚解夢病增疑莫厭樊籠困春鷹不敢窺

早春

嫩寒猶傍雨鶯弄促芳春香洗憐梅婢波清落鴈臣山  
光開小羽雷勢發羣鱗空野烟雲薄迢迢倍損神

曉

空光雲外至淡灩散林鳥殘月初回夢幽花漸入圖乍  
明羞障幕先暖照笙竽行樂如昏旦華年不可俱

燕巢

海濱羈旅客幸託畫梁宜養子仍能穩污泥不在卑知  
兵營暗壘識向避非時莫恨秋風螫華堂今正危

楊梅

盤餐媚朝日五月豔新姿絳雪寒清幄明星綴曉枝禮

無原廟薦驛少後宮馳分餉江湖士流紅染越絲

送密之歸皖桐

考證江南通志皖今安慶府桐今隸安慶府之桐城縣

君歸秋色盡落葉九江哀宿雁依寒水潛蛟避古臺衍  
餘圖馬在機及木牛來密之行易解作木牛霜月橫吳楚清光送  
客杯

送杜罔思省親温州

考證復社姓氏錄金山衛杜騏徵字罔思案罔思方伯喬林次子時方伯分巡

溫處

小舫逐烟姿君行知有思涉江神女賽度嶺石門詩明  
月夜深緩陰峯暑到遲聚歡應好夢我意欲相期

聖期別業卽景 三首

晨光風渚淡首夏濯羣妍遠浦估船泊高林梵鼓傳岸  
香藤覆水墓濕草深烟盡日荒郊路江流同去年

雨淡海棠外春深弄小紅猶殘花夢後已入夏雲中深  
隴常藏雉清江欲下虹農家早收麥官吏曉年豐

虛室河干靜青苔深淺同漁蠻絲網月龍女繡幡風麥  
秀歌邨老蓬辛泣小蟲避愁無地好踏徑真梵宮

行樂詞十首

小少通輕俠家門事事宜初成巫雨賦新聘茂陵姬玉  
盃分長樂珊鞭貢月氏青樓隨意入不信有相思

高樓臨曲沼朱檻動波濤別院空歌舞中堂列羽旄難

忘三婦豔早結五陵豪夜飲何能倦深寒解玉絛  
珠簾花正豔春夢入蕨蕤碧玉籠嬌鳥沈香浴小姬早  
冠迎劔客晝飲試箏師日暮歸何處銀燈揚柳絲  
池館新成列來尋舊酒徒水嬉開曼行春倦借檣菊宮  
樣監奴舞戎裝燕女扶自矜能任俠有客履明珠

誰家好男子甲第五侯中世爵當橫玉先朝有賜銅雀  
屏秦鏡碧鳳枕漢環紅猶恨難爲徇長歌教小童

清麗仍儒雅風流不負身性能通樂府名早厠騷人小  
史勻箋賦青娥搗藥新詩成花幕下燈火晚畱賓

待月樓頭宴霜飛龍腦塵賜釵雙翡翠壓袖小麒麟閉

幕矜歌妓持金看浴人溫柔兼激宕意氣往來新  
山獵平郊道紅妝隊隊霞探丸望楊柳踏鐙理琵琶佐  
酒龜茲樂傳圍火苑駟醉嬌聯騎去油壁晚還家  
春江妙含雨錦纜濯烟姿繞岸聲歌合沿溪香粉遺佳  
人沈玉珥神女獻金支彷彿陳王事年華不可衰  
未極人間樂寧知真有焉碧雲扶殿閣素月館嬋娟穆  
滿旌旗日劉郎陵墓年若云天上好何不遂神仙

舟涸

舟影清虛斷秋炎日夕加幽燕傳厭雨江淞反霾沙越  
女擔鹽橫邨童堰水譁憂虞萬端在行旅莫長嗟



偕諸公集盛氏

俗士久不遇雅人天下稀文章矜意重遊戲壯心違寒  
北聞兵聚城南見鳥飛諸公無寂寞日月未全非

偕萬年少李舒章宿陳眉公先生山房

二首 考 澄松江府

志東余故郡僻壤繼儒為洗殿疏壑植榆柳構亭榭茶鑿藥曰左圖右史躡者比華陽洞府

與客俱好靜夕陽水上寒遂繇晚山下頗歷幽人端鳥

鵲振風起松杉入照殘夜深更語笑明月畏相看

連袂上雲岫寒心各自知預營高士墓乃築仙人祠

時先

生方營生壙築呂仙祠於其旁

江海鳥飛內冰霜月起時幽幽林木下

浩蕩不能思

除夕

城中百萬戶繞繞管絃前風俗隨鄉古烟花隔歲妍未  
應悲白髮能不怨芳年明日春光滿經過劇可憐

陳李倡和集

千丈水雜詩四首

豈愁春易暮天地日崎嶇不待驅鳴馬相將祀野狐邊

關分禁闔臺閣畏江湖受諫何年事臨風意轉孤

考證通鑑輯覽崇禎六年春正月命曹文詔節制山陝諸將討賊二月流賊犯  
畿南河北詔遣總兵倪寵王樸率京營兵赴河南而以中官楊進朝盧九德等  
監諸將軍命曹文詔自山西移師會討又六月温體仁欲起逆案王之臣帝  
以之臣問延儒對曰用之臣亦可雪崔呈秀矣體仁大恨會延儒所用巡撫孫  
元化復陷登州于是言路交章劾延儒併謂其受巨盜神一魁賄體仁復嗾給  
事中陳贊化劾延儒昵武弁李元功招搖罔利帝下元功詔獄窮治延儒大寤

東... 卷... 五言律

引疾歸

彈射非今日逢迎自昔長烏臺傷諫草鳳閣愧飛章還

詔虛風節聯辭謝紀綱可憐湖海士無力奏明光

考證案此首指王應熊通鑑輯覽崇禎六年十一月以王應熊為東閣大學士應能善迎帝意蒙眷最深屢為言路所劾至是以溫體仁力援入參機務詳見

五言古

雜詩註

干戈生日夜不見奏金鏡霧塞已三晉風清僅二嶠豈

應天雨粟徒兆烏焚巢尊貴仍槐棘悲愁自草茅

考證通鑑輯覽五年九月流賊連陷山西州縣部議令宣大總督張宗衡駐平陽巡撫許鼎臣駐汾州分地守禦賊乘間入據磨盤山分其眾為三閭正虎據交城窺太原邢紅狼上天龍據吳城窺汾州紫金梁張獻忠突沁州武鄉陷遼州又五年八月總兵官曹文詔等連敗賊于平涼慶陽賊可天飛郝臨菴獨行狼李都司等連兵圍合水文詔往救大敗之越日復破賊于甘泉之虎兕凹會總督洪承疇師次平涼擊斬可天飛李都司其黨殺獨行狼郝臨菴以降餘

皆散遣關中  
巨寇畧盡

河北飛蛾盛山東困獸張長圍開一面夾擊委三方虎  
節神於電龍章薄似霜洛中邊使斷貴粟未空囊

考證通鑑輯覽崇禎六年二月流賊犯河北副將左良玉與賊戰武安良玉大敗河北三府所屬縣焚劫殆遍 又六年二月官軍復登州登州城三面距山一面距海其北有水城與天城相接開水門以通海船賊恃此可走故不下及被圍久李九成出城搏戰官軍馘之于陣賊渠五已殲其二氣大沮孔有德載子女財帛先出海耿仲明以單剡繼之皆遁

酬皖城孫生 案孫生名臨字克咸桐城人註見七言古

遙思江外地名士有芬芳結客滿天下移書此一方妖  
蛟潛漢帝麗女屬孫郎彷彿英雄事君懷不可忘

考證案題名碑錄萬歷丙辰進士阮大鍼安慶府桐城籍時大鍼以奄黨被黜家居則妖蛟句應指大鍼又案尤侗宮閨小名錄葛嫩金陵妓歸孫臨監軍被

執嫩罵賊死則麗  
女句應指葛嫩也

欲借舒章遊金陵不果各賦詩十首

自隔金陵道今來第四秋  
星辰羅帝闕龍虎抱江樓  
氣象年年大登臨處處愁  
風流如晉代無夢到西洲

區中仍故宅不復寓荆揚  
襟帶疑清渭規圖似洛陽  
御街營細柳廟貌近長楊  
嘆息西京老柴門對未央

憶出東華省鍾山謁祕宮  
熊羆依日月弓劍化崆峒  
陵戶松杉下羣臣圖畫中  
不逢高帝世深愧事雕蟲

更憶鷄鳴埭勲庸王者姿  
河山荒國邑烟雨剝旌旗  
不見征誅事惟看明盛時  
中原誰可問六代令人悲

佳麗江南日清流，偃大航柳枝披市屋。蓮子繞宮墻，積翠迷飛閣。真珠拾畫檣，更經三女廟。明月夜焚香。

城北清涼寺前朝避暑，遊藤蘿水上覆。聽鼠谷中秋處，處迎盧女家家祀。蔣侯應憐烟草地，不見景陽樓。

側足興王地，傷心霸業衰。化龍終寂寞，射雉已迷離。月冷貴妃井，風寒太子池。何年憑弔盡，江水不知悲。

昔人多曠遠，今日更繁華。東府諸王宅，含章公主家。月中望楊柳，天際弄琵琶。亡國尋常事，非關玉樹花。

清心憐顧婦，水曲弄明珠。迎女慙桃葉，無郎唱小姑。淺烟雙槳動，帶月半窻扶。莫恨情人少，千秋愁未殊。

有感也

昔共同門友寂寥江表姿豪華羊侃伎風調謝公姬晉

代詞人歇吾家狎客衰此方愁絕地何許更傷離憶周徐諸子

附錄李雯詩十年空抱膝搔首望金陵月照宮牆冷龍來江水騰綠菰波上出

紫霧雨中興才子多同調臨秋有所憑高帝龍飛後南徐不作關六朝增王

氣五岳拜鍾山玉甲吟朱匣金蛻齧碧環焚香宮廟使端拱拭塵顏會聞南

國麗萬雉列青霞雲出牛頭壯風迴燕子斜江清烏桺樹鼓散石城鴉日暮長

干路翩翩油碧車白鷺羣飛外江雲何所之琵琶憶王儉長笛想桓伊散客

烏衣巷招涼青骨祠此中行樂處何異是南皮諸將從龍彥雲臺會冕纓千

秋勞戰伐一代肅高神馬朝幽闕靈旗護紫京書生長有意長揖負平生

碧瓦通雲氣清江接芰荷由來佳麗寺獨向秣陵多叔夜悲安在子荆樓可過

南朝射雉處好著虎皮鞞今日淒涼寺嘗為結綺樓麗華空自死江令不曾

羞麝粉香仍薄胭脂水不流當年歌舞散不獨景陽秋淮水穿中域宮城燕

雀湖櫻桃聞薦寢鳧鴈集明盧鴛瓦人閒出銅龍尾後濡聖朝興業地會欲賦

南都男兒仗意氣屢欲問英雄聞說奇材客能容游俠風要人看寶劍親自

製雕弓此日不相識羞稱壯士中文事歸江表白門羅上才含毫睨

楚岸飛藻寫吳臺海氣羣龍見城樓雙鷺來秋砧警雨後余獨苦蒿萊

十四晚見閻公從金陵歸感賦一首

不有開清廟難施萬石鐘叩牛歌甯戚非馬辨孫龍餘  
子才無敵諸公禮自恭明時多意氣爲爾訪芙蓉  
我交多泛愛如爾更淵然高密難爲客南州誰見賢諸  
儒推嶽嶽弟子誚便便各有千秋在揚家今尙玄

秋風二首

白日空庭過秋原倚大荒風吹蓮粉黑雲帶雁翎黃海  
上烽烟重江南感慨長壯心馳薊北匹馬掃霜  
各有雄心在秋風兩不平稻黃天暝暝桂白月盈盈虎  
嘯千秋動鷹盤百鳥輕少年方擊楫未敢問尊羹

塞下曲 六首



落日緣邊去雲沙相對黃傳烽近星斗徙帳逐牛羊姑  
衍將軍禪河源較尉詳莫愁殘虜在有策斷西羌  
千里鳴哀角荒荒動戍樓橐駝銅狄夜鷓雁玉關秋萬  
馬隨龍種三軍拜虎頭更收河右地自此號涼州  
頻年出漢將六郡徙良家雪積黃河岸風高青塚沙羌  
童彈鳥鼠胡女弄琵琶別部天山外分兵逐渾邪  
壯士紛紛在關中氣莫當早隨騎都尉生得右賢王蔥  
嶺連西極龍沙阻北荒古來矜武節此地淨 霜  
長安萬餘里東望暮雲扃邊驛戎王邸天山漢將銘塞  
榆猶歷歷關柳更青青無數臨洮勇傷心對短亭